

رسالة من "أيمن موسى" طالب الهندسة بالجامعة البريطانية المحكوم عليه بالسجن 15 عام



الأربعاء 16 مارس 2016 10:03 م

كتب: - كتب : أحمد سعيد

أيمن علي موسى، 21 سنة، طالب في الفرقة الثانية بهندسة الجامعة البريطانية ومدرّب كرة ماء في نادي هليوبوليس، معتقل منذ 6 أكتوبر 2013 بعد اعتقاله في أحداث رمسيس وحكم عليه بالسجن 15 سنة

والد أيمن توفي العام الماضي حزنا على نجله، دون ان يتمكن من رؤيته قبل وفاته بعد أن اتقدمت أسرته بطلب لخروجه يوم واحد لدفن أبوه لكن الطلب رفض

ومنذ يومين تم رفض النقض في قضيته وحكم عليه نهائيا بـ15 سنة سجن، قضى منهم سنتين بالفعل

أيمن بعد تأكيد الحكم عليه بعث لأمه رسالة فيها الاتي:

" أمي ... السلام عليكم"

أخبارك إيه ؟

أسأل الله أن يربط على قلبك ويثبتك كما ثبت أم موسى

أنا مش فاهم حاجة من إلهي حصل، كنا متوقعين إنه يقبل، بس قدر الله وما شاء فعل، الحمد لله على كل حال

... أنا مش عارف هصبر على الإبتلاء ده إزاي ؟ بس عارف إن ربنا لطيف بعباده، وإنه لا يكلف نفسا إلا وسعها وما تتحمل

كل الأسباب خلصت، مفيش غير قدرة ربنا اللي باقية

كان نفسي أكمل في هندسة بس كده شكلها خلاص

الحمد لله إحنا أحسن من ناس كتير، على الأقل بنشوف بعض في ناس محبوسة في بلاد تانية وأهلها ميعرفوش عنها حاجة

أمي ... محدش إختار شكله ولا أهله ولا عيشتة، ربنا إلهي إختار لنا فنفوض أمرنا له ونسلم لحكمه، وندعي إنه يخفف علينا، وإن شاء الله هيخفف

وربنا عارف إنني معملتش حاجة، ولا أذيت حد، ولا في نيّتي أأذي حد فده يكفيني

أيمن مصر متهماه بقتل ظباط وحيازه أسلحة ناربه و الانتماء لجماعة إرهابيه اه والله تخيلوا؟ الشاب اللي في الصورة ده بلدنا شايفاه ارهابي وببشيل أسلحه ناربه وبيقتل ظباط كمان ولازم يضيع من عمره 15 سنه في السجن